

汾州府志序

刺史為

天子守牧凡境內山川民風景物  
一切屬世磨鈍之具罔不奉  
若

憲典然後乃為良守禹貢所

序

載職方所掌詳哉其言之  
猶古志也三晉表裏山河  
神京拱衛沐實我股肱郡牧斯  
土者省方問俗輯事寧人  
何所取裁語云前事不忘  
後事之師也志又曷可少哉

竊恠為志者體例不稱考  
覈不精譬如嗜古者得舊  
人尊鹵敦盃或珠印錢刀之  
品刻畫崖窾模糊癡膩拾  
為己寶摩挲不置而教典忘  
祖為識者嗜正如買菜之求

序

二

益又多乎哉西河魏土文侯  
所與呂段干木田子方之遺  
風他如澤博陸侯唐汾陽王  
宋潞國公皆命世之英雄之  
接武至清風亮節若介之  
推郭林宗後先輝映河山

法泚之氣磅礴鬱積之人  
何遠不如古要有觀哉而  
興者願泚志自神廟後記  
載闕如刺史孫君當友有  
幹實不落因循積習及開館  
聚書區搜情訪拾遺補闕

序

三

穢者疏之浮者挾之訛者澄  
之暮年歲事釐為二冊披  
覽之下穆然如見山河之渟  
峙阡陌之交錯人氏之熙攘  
前賢往哲之韻頡而下上中  
夫豈燕石之珍不足當波斯

一盼哉洵乎其有合鄴康成  
知古志今之旨也余既喜刻  
史之居官克敦厥事亦甚  
望守牧者之多不忘所事也  
是為序

乾隆三十六年孟春撫晉

序

四

使者鄂寶撰并書



志猶史也合之則為邦國周禮小史  
掌之離之則曰四方周禮外史掌之  
史不可闕志又安可廢顧作者非苟  
焉已也如治室然自堂徂基規前矩  
後成局在胸泛而樸斲之恒墉之墜  
茨丹雘之乃奕然煥然受張老之賀

序

矣汾州志成於前明萬曆中迄今百  
數十年經思陵鼎革兵燹流離殆  
如頽垣廢址不可收拾于此張皇  
補苴視家所寡有加以潤色不可  
得也刺史孫公來守是邦念古之  
為政者必訪遺訓諮故實舍志奚

稽禮曰古也有志傳曰周志有之闕  
焉不講是返鑑索照也爰奮然起而  
備之發凡起例徵文考獻凡建置之  
沿革陵谷之變遷風俗之醇澆物產  
之滋息與夫忠臣孝子義夫節婦及  
名賢流寓方技專門無不網羅散

序

二

佚著以傳著疑以傳疑是可以志矣  
吁世之傳舍其官惟刀筆筐篋是  
務至一切成敗利鈍隔闕不聞者  
比而是倘有聞風興起慨然有作  
斯志之成庶幾納約自牖矣于是  
乎書

乾隆三十六年歲次辛卯督學使  
者烏程吳巖書



序

三



汾州府志序

府領一州七縣得漢太原郡之茲氏  
中都京陵界休鄔西河郡之蘭率狼  
離石隰成中陽土軍中亘大山若呂  
梁黃櫨薛頡狐岐則二郡之所以限  
唐宋已來為汾石二州兼有隰州地  
府之設起明萬曆中後十餘年知府

序

王道一纂次府志寔始草創越今百  
六十餘載無繼而為之者今秋之仲  
諸城孫君以新志若干卷請余言挂  
之簡端余謂此事匪易為也且如汾  
州之名起北魏其初改吐京鎮為州  
治蒲子城在今隰州徙治西河自裴  
良始而西魏之汾州在今宜川北周



之汾州在今吉州隋汾州在今霍州  
前此之為西河郡治也起北魏太和  
八年孝昌中則僑置平陽界而漢元  
朔四年初置西河郡本在河西永和  
五年南徙五百九里治離石迄於晉  
不異若其依河表目見經傳子史者  
地不一所咸非府境以所屬縣言中

序

都為地三左氏春秋之中都在今河  
內魏書之中都在榆次永安為地三  
漢晉之永安在霍州北魏孝昌後之  
永安與介休嘗僑置平陽而介休又  
僑置汲郡汾陽為地五國語汾陽之  
田在平陽漢汾陽即靜樂晉汾陽為  
河東郡隸縣隋汾陽唐武德七年改

為陽曲其已後郡縣無汾陽之名而  
郭子儀封汾陽郡王鎮絳州以地名  
山澤言名梁山呂梁者春秋爾雅之  
梁山在少梁孟子之梁山在今乾州  
尸子呂覽淮南鴻烈暨水經注之呂  
梁在今保德州西為河之鉅隘而泗  
水中亘岨亦以名孔子所歎呂梁懸

序

二

水三十仞魚鼈不能遊者故名縣上  
介山綿山者春秋之綿上在今翼城  
後漢書之綿上在沁源揚雄河東賦  
之介山在萬泉而翼城平定皆有綿  
山鄔之北九澤班孟堅以為周職方  
昭餘祁鄜道元以為呂覽晉之大陸  
胥失之然則凡所論著雖勤求經史

猶眩若棼絲也同名異地未能證實  
雜取其入與事於篇謂免識者之譏  
難矣孫君重其事不以所知自多復  
質諸休寧戴東原氏勒成一書於舊  
志既無可仍襲遂綜博古今嚴整義  
例用補闕典余歷官於閩於荆於晉  
欲備知地之險易政之利弊以敷宣

序

四

聖天子德意檢閱府州縣志至夥求其述  
地名山川能周知寰內形勢之全  
絡條貫不失地防無紛糾傳合也記  
載官政以及田賦征徭爾雅明劃遠  
於胥吏案牘也傳一方之名宦人物  
審確不假借文體追乎古人辭稱協  
諸德行也若斯者蓋鮮孫君素練於

治視昔時沉廢輒力舉不少因循茲  
役亦其一焉用是驗孫君之守汾總  
八州縣而握其柄者事事勤求盡若  
斯之用心不亦懋歟不亦懋歟  
乾隆三十五年嘉平月

賜進士出身

誥授通奉大夫山西布政使司布政使前

序

五

日講起居注官翰林院侍讀學士大興  
朱珪撰



汾州府志序

合環宇內外及上下古今紀一代之類未以成一家言名之曰史。本於春秋嗣其後者推馬班為最而馬班異同彼此相笑終無定論若省與府州縣各據一隅以立言不支不蔓既無溢美又毋使挂一漏萬且畫井分

序

疆犬牙相錯與鄰邑接壤如涇渭異流皂白異質不至膏寘而莫知其原惶惑而失其所守涖茲土者一切巨細洪纖幸令其弛而不張久而湮滅是亦史家之遺意也汾州屬於山右前明萬歷間始建為府爾時府志猶未修也迨萬歷三十七年知府

王君編次成書間有訛舛尚  
釐正夫金可銷石可泐首事之  
人必賴乎踵事者使繼起無人  
則墜緒茫茫終歸沉泯蓋王君  
及今更一百六十餘年矣予同  
年生孫君越薪政尚清靜由滇  
南萬里

命守汾郡慨舊志之久而未續因追

序

二

王君意臚列而次第之又獨力  
難勝更聘戴東原先生襄其事  
東原名士也博覽厚書考訂精  
核寰海文人皆知之相與丹黃  
甲乙首沿革終藝文為例三十  
為卷三十又四使閱者隻眸炯  
炯如白晝振鷺焉攷汾州分野  
肇自禹貢屬於冀州嗣後因草



不一或稱西河或稱南朔或稱  
介州或稱汾陽帶礪山河肘腋  
秦晉自卜子設教以來流風餘  
韻猶未闕寐况溫泉足樂騶虞  
可懷金鎖玉亭膏壤沃野昌泰  
為漢之英俊宋梁則唐之賢豪  
迄文忠烈狄武襄尤間世而一  
出者也由今溯昔士循乎禮教

序

三

民習乎樸誠事詩書安畊鑿不  
亦休哉余奉

命分守冀寧嘉孫君之不辭勞瘁考  
訂商權既付剗刷而亦知產是  
土者含哺鼓腹出入嬉遊莫非  
我

皇上之生息教海樂育涵煦之所致  
乎因不揣固陋而并于簡端



時  
大清乾隆三十六年歲次辛卯春三  
月山陰徐浩書



序

四

新修汾州府志序

郡邑之有志也其史家之流乎稽  
之於古則圜稱之陳留者舊實  
預之會稽典錄祇述人物羅含  
之記湘中辛氏之記三秦多談  
山水二者各自成家故劉知幾

序

有郡書地理書之別自宋以來  
州縣志乘日以滋繁山川疆域貢  
賦戶口仕官人物莫不詳著於  
編蓋兼古二家之法而為之所  
以存一方之文獻備正史之考稽  
烏可闕焉而不具哉然而吏胥之

文簿抄寫或失體裁委卷之流傳  
沿襲慮乖事實是必有上下古  
今之學識而佐以典雅之文裁以  
簡要之筆然後可以傳世而行  
遠也汾州古稱西河明萬曆中  
始升州為府領縣七州一兼有唐

序

二

汾石隄三州之境相沿至今者蓋  
百五十餘年矣府之有志亦勦  
於萬曆間規模粗具而踈略特  
甚

國家統一海內無遠弗屆歲甲  
申學閩以西域新疆式廓應增入

大清一統志上請荷蒙

俞允并檄取天下府州縣志上之  
史局而吾府志尚沿其舊幸際  
聖朝休養生息之治賦役清簡戶  
版庶繁官師先達懿美可紀倘  
不及時撰次恐有久遠放失之患

序

三

學閔曩在里門與同年呂學三暨  
魏西銘昆仲私論及此輒以為  
憾今太守諸城孫公以山左名宿  
來莅吾郡政通人和百廢俱舉  
暇日繙閱前志惜其久而未修  
爰集紳士咨訪舊聞酌定體例

復延休寧戴孝廉東原攷證古  
今筆削成書公於聽政之餘仍  
親加潤色閱一年而告成體大  
思精文約義賅追常璩之詳  
審匹劉炳之該博所稱傳世行  
遠而有益於史家者其在斯

序

四

乎學段薄宦京華數年於茲未  
獲預校讐之末樂斯志之成而  
吾鄉之文獻有徵也因不揣冒  
昧而為之序時

乾隆三十有五年歲在庚寅冬  
至前七日

賜進士出身吏科掌印給事中  
前史官郡人曹學閔撰



序

五

序

周官有土訓誦訓之職土訓掌道地圖以詔地  
事誦訓掌道方志以詔觀事鄭康成氏曰說  
地圖九州形勢山川所宜告王以施其事說四方  
所識久遠之事以告王觀博古所識然則圖志之  
書其由來蓋遠洛州自政府以來舊嘗有志越  
今百六十餘年曠而不修且舊志草創踈略於  
古今因革山川形勢攷之體要民之利病求其

序

伸手見指懸衡取平未之能也夫郡之於縣所  
謂臂之使指也因革形勢體要利病既未特示  
諸掌將

朝廷詢風土徵典籍而

當事者向民間疾苦責其官守職司徒據去  
今百六十餘年踈於事情者以應其不可甚明  
顧余為是郡三載而後及志事何也非周察  
而得其實不敢以為言非精心於稽古不敢輕



筆之書是以遲之又久略知為是郡之大經乃復  
徵詢八州縣備陳細目都舉統觀又適有休  
寧戴東原氏來遊汾晉問今之治經之儒咸  
首推戴君而是志得其嚴加核訂以余之體  
驗於今者更能信不謬於古矣郡故多賢智  
學古之士向余於茲遲之又久之意而卒底有  
成也欣然相率而請校勘雕印不緩於時余  
亦以感郡之人才荒遠傳合者不必言其近而可

序

二

師昔之日不有狄武襄文忠烈其人德高業隆為  
國柱石若彼乎人苟自勉今猶昔也志中之事  
地事觀事存焉求其切民用達治道也志中  
之人抑又求其端士趨厚民俗也是則余蓄於  
心三載者以是因書以為端首

乾隆辛卯季春之月知汾州府事

諸城孫和相撰書



重脩府志銜名

纂脩

汾州府知府

孫和相  
戊午舉人  
山東諸城人

參訂

汾州府清軍同知

李遵唐  
甲子舉人  
河南固始人

汾州府督糧通判

劉望齡  
福建沙縣監生

分脩

調任汾陽縣知縣

朱濬  
甘肅靈州人  
丁卯舉人

汾陽縣知縣

李文起  
廣東歸善人  
庚辰進士

原任平遙縣知縣

德貴  
滿洲正白旗人  
丙辰舉人

汾州府志



銜名

一

平遙縣知縣

蔡亮茂  
浙江德清人  
丁丑進士

介休縣知縣

王謀文  
浙江山陰人  
貢生

原任孝義縣知縣

鄧必安  
江西豐人  
甲子舉人

孝義縣知縣

黃印  
直隸天津人  
丙子舉人

原任臨縣知縣

丁宗懋  
湖南醴陵人  
丙子舉人

臨縣知縣

嚴慶雲  
陝西沔縣人  
辛未進士

石樓縣知縣

梁植  
廣東順德人  
丙子舉人

永寧州知州

王興穀  
江蘇金山人  
人貢生

寧鄉縣知縣

朱懋炳  
四川崇慶州人  
壬申進士

參閱

汾州府儒學教授

李時中

山西太原人

汾州府儒學訓導

陳璉

山西代州人

督理

經歷司經歷

毛麟

江蘇陽湖人

採訪

戊子舉人

卞爾琬

乙酉拔貢

王廷槐

校對

乙酉舉人

程學曾

乙酉舉人

馬錦襄

汾州府志



銜名

二

候選理問

賈應

監生

杜玫

監刊

原任知縣

段昭

原任巡檢

魏國卿

貢生

姜思燾

貢生

郭繼僊

監生

趙嘉泰

生員

趙葆光

汾州府志目錄

例言

圖

表  
以上卷首

沿革  
之一卷

星野

疆域  
以上卷之二

山川  
卷之三卷之四

城池

官署

汾州府志



倉廩

學校

壇壝  
以上卷之五

關隘

營汛

驛鋪  
以上卷之六

戶口

田賦

鹽稅  
以上卷之七

職官  
卷之八卷之九

宦績 卷之十卷

食封

流寓 以上卷十二

人物 卷之十三至十六

義行 卷之十七

科目 卷之十八至十九

仕實 卷之二十

列女 卷之二十一至二十二

古蹟

塚墓 以上卷之二十三

汾州府志

目錄

祠廟 卷之二十四

事考 卷之二十五至二十六

雜識 卷之二十七至二十八

藝文 卷之二十九至三十四

汾州府志

例言 十則

汾州自前明萬歷二十三年改府越十餘年知府王道一始纂次府志成於萬歷三十七年距今百六十餘年中間紀載闕如府屬一州七縣志雖各有增續亦距今數十年至有體應繫之府者州縣志固不得而詳況各志具存纂次多非其人徃徃因陋就簡稽其山川形勢及民間利病啟卷茫然夫以百六十餘年之遠八州縣之廣官事民事治要所在不可聽其散逸也用是訪輯成書蓋不敢云少待矣

汾州府志

例言

一

志之首沿革也有今必先有古古曰州曰國國有分邑其後爲郡縣又其後設州以統郡郡以統縣而隋唐間州與郡無別惟稱名互改而已明以來則曰府曰州曰縣其間分合移徙隨時不同如一西河郡也其初在河西舊呼爲河套今鄂爾多斯左右翼六旗居之後漢永和五年始徙今府屬之永寧州北魏太和八年始置於今府治南十六里之故茲氏城孝昌二年則僑置平陽界北齊復太和中之舊一汾州也其初在今隰州孝昌中移今府境西魏別置汾州在今陝西宜川縣北周以東魏之南汾州爲汾州在今吉州尋又置汾州於今霍

州隋汾州亦與北周同唐武德三年復孝昌中之舊一平遙也其初曰平陶在今文水縣一介休也孝昌二年僑置平陽界永安中又僑置汲郡界今平遙縣漢中都也而北魏之中都徙置於榆次今孝義縣三國魏之中陽也而漢中陽西濱黃河北魏太和十七年於此置永安縣而孝昌二年則僑置平陽界前乎北魏者後漢魏晉之永安皆今霍州北周攻拔永安城亦在彼不在此昔人考之不審徒檢史書中涉乎西河汾州中都平遙介休永安之名者取而列諸名宦人物因又祀於名宦祠鄉賢祠論其世考其地實非官於斯產於斯者也而

### 汾州府志

例言

二

此地之名宦人物徃徃遺失之故沿革定而上考徃古乃始無惑

星野次乎沿革其說起於周禮九州之分星至春秋時言列國分星尤詳漢書乃以郡縣隸之然於古州國徃徃齟齬不合蓋秦漢間已失其傳非實有所見而分之者也存古說以見梗槩而沿革不明不可以道古作志者或先及之非其次矣至若圖繪星像錄步天歌尤屬固陋

疆域次沿革星野之後考今自是始也疆域辨而山川乃可得而紀



山川次乎疆域其奠也本天地之自然而形勢在焉風氣繫焉農政水利興焉作志者徃徃散列漫無敘次三者無由見也今以水辨山之脈絡而汾之東西山爲榦爲枝爲來爲去俾井然就敘水則以經水統其注入之枝水因而徧及澤泊隄堰井泉高高下下不失地防興水利除水患從是求之思過半矣故兼及自昔以來引渠灌溉之法築防疏濬之功備詳其下令衆山如一山羣川如一川府境雖廣山川雖繁按文而稽各歸條貫務求切於民用從來作志者僅點綴嬉遊勝景何小之乎視山川也

汾州府志

例言

三

城池官署倉廩學校壇壝關隘營汛驛舖戶口田賦鹽稅凡十有一者官事也民事也綱之紀之富之教之撫之衛之用之緩之政之大體於是乎在民之利病於是乎在故次疆域山川之後

職官名宦食封流寓四者至斯土者之徃鑑也人物義行科目仕實列女五者宅斯土者之徃鑑也職官食封不可勿存也府志於職官題名多至丞簿而止今載及縣尉者丞簿既裁則職在丞簿下者責務亦稍重也名宦必其德澤及民操持可法流寓非名賢不錄此二者所以著愛慕也人物必大節卓然義行必爲善足風或

一事之有益於人亦附焉科目仕實猶職官食封之存之也魏科貴仕世俗之所豔稱或無大表見或有瑕疵指摘又或後世僅知其官階失其行事今不得而列之人物如職官題名中有失其行事者今不得而列之名宦也史家列傳外分忠義孝義文苑等日志書多做之然史之列傳以爵位故有爵位不尊及無爵位者不得不別爲目以紀之志之人物以人品學問德業而忠孝固德之大端也有德有文者於人物見之專以文著者於科目仕實中散見之無庸複列至於名教所棄猶巧飾誣欺雖曾祀鄉賢邀聲譽今削而不錄蓋志與史例

#### 汾州府志

例言

#### 四

有不同者史善惡並書志詳善而畧惡也列女本非盡屬節烈而賢婦徃徃鮮及之非賢婦之難也閨門以內庸德之行雖美弗彰也又富貴之家猶有文飾其辭爲傳爲記者窮巷下里實行其誰知之卽以節烈言其得請旌表者非素饒之家則子孫猶能揚其幽芳者也彼甘守凍餓老死屋下子孫無聞知無論力不能請旌卽纂志時加意勤訪而莫舉以爲言且歷年稍遠松柏與榛楚共泯沒是可悲也遺者蓋多書其所知而已職官科目及烈女中之節烈錄至纂志時乃止而名宦人物義行仕實但著已徃今之人其有待於後之人論定歟

古蹟塚墓祠廟事考四者備稽古者之檢之也雜識又其餘也寺觀附祠廟之下明非正也志書俗體列仙釋一目今卽各散見寺觀內凡逸事異聞世俗競傳之者皆見於雜識涉鄙俚荒謬亦不錄風俗物產非逸事異聞比然無取乎泛常瑣濫以爲鋪張則爲語不多無庸別列二目故著之雜識之首

藝文繫之志末與列於前者互相參證也纂志與集文不同故但以古今爲先後不區別文體敘詩亦然蓋志主乎地不取備文體也雖其地之人而生平所有奏疏論著於地無關者例不當錄官斯土者及今在任一切

### 汾州府志

例言


五

士民頌美之辭事涉導諛亦例不當錄又有因事立文宜與事俱載於志而文或僅以通俗州縣志不妨備錄府志亦一切贅收之則失體至如司馬溫公撰文潞公家廟碑廟在洛陽不在介休喬宇觀絳水詩乃平定州之絳水此類尤不宜溷入以失作者之實凡古蹟非實題詠無嫌錄之不可爲典要也碑記考序等一篇中雖有得有失無嫌人自爲說志內已有辨證存其文非取爲考覈也

地圖及沿革表志中開卷第一事也作圖者少加意精覈檢視其圖方嚮遠邇茫然不辨名爲有圖不但如無

圖而已且適以滋惑今列圖十有二而府境及八州縣山川圖先布方格然後按山脈之條貫水流之委曲距府州縣治之方嚮里數不使或爽至若方隅之觀各州縣志多有所謂八景十景漫列卷端最爲鄙陋悉汰之以還雅志內亦不涉及其題詠間取一二






汾州府志

圖

七

右府城圖






右府治圖

汾州府志


圖


八



三賢祠

射圃





汾州府志

圖

十







汾州府志

圖

十一






汾州府志

圖

十二





介休縣山川圖 每方十五里

汾州府志



圖

十三


孝義縣山川圖 每方二十里





臨縣山川圖 每方三十里





石樓縣山川圖 每方十五里



永寧州山川圖 每方三十里



寧鄉縣山川圖 每方十五里





汾州府志

圖

漢以來沿革表

汾州府																
太原郡	之界休	中都茲	氏鄆京	陵西	河郡之	中陽臯	狼蘭離	石隰成	土軍西	都永和	五年九	月西河	郡徙治	離石後	省入太	漢魏附見
西河國	領離石	隰城中	陽介休	永興初	劉淵據	離石稱	漢其後	遷於蒲	子置幽	州刺史	鎮焉石	勒改離	石曰永	石郡	太原國	晉劉石附見
西河郡	太和八	年置治	茲氏城	領隰城	介休永	安孝昌	二年僑	置平陽	界而汾	州移治	西河北	周於介	休置介	州及介	休郡省	北魏齊周附見
介州之	介休平	遙清世	隰城永	安大業	初改置	西河郡	義寧元	年復分	置介休	郡石	州領離	石寧鄉	脩化盧	山定胡	平夷太	隋
介州武	德初改	介休郡	置領介	休平遙	貞觀初	省入汾	州之隰	城永安	武德初	改西河	郡置浩	州三年	改曰汾	州天寶	州天寶	唐五代附見
汾州之	西河平	遙介休	孝義	石州領	離石平	夷方山	定胡臨	泉元符	二年以	臨泉縣	隰晉寧	軍大觀	二年又	以定胡	縣隸焉	宋
汾州之	西河孝	義介休	平遙	石州領	離石方	山孟門	溫泉臨	水寧鄉	隰州	之石樓						金
汾州領	西河孝	義介休	平遙	石州領	離石寧	鄉臨	州中統	三年改	太原府	之臨泉	縣置	隰州之	石樓			元
汾州領	孝義介	休平遙	萬歷二	十三年	五月改	置汾州	府領汾	陽介休	孝義臨	平遙靈	石而永	寧州領	寧州領	寧州領	源武鄉	明





孝義縣		介休縣	平遙縣
茲氏地 魏移中 陽縣於 此		界休 鄔	京陵 中都
中陽永 嘉後省 入隰城		介休 鄔	京陵 中都
永安太 和十七 年分隰 城縣置 孝昌二 年僑置 平陽界	和鄔太 年置九	介休太 和八年 置孝昌 二年僑 置平陽 界北齊 省北周 復置大 象中改 日平昌	平遙徙 平陶縣 置以廟 置陶年 諱改世 為遙省 京陵入 焉而中 都徙置 榆次
永安		平昌開 皇十六 年復改 日介休	平遙開 皇十六 年析置 清世縣 大業初 省入焉
永安貞 觀元年 改曰孝 義曰高 唐新城 武德二 年置武	永安貞 觀元年 平興國 元改	介休 介休 介休	平遙 平遙 平遙
孝義太 平興國 元年改 曰中陽 後復為 孝義熙 寧五年 省入介	孝義太 平興國 元改	介休 介休 介休	平遙 平遙 平遙
孝義 温泉		介休 介休 介休	平遙 平遙 平遙
孝義至 元三年 割温泉 之半置 之巡檢 隸焉司	孝義至 元三年 割温泉 之半置 之巡檢 隸焉司	介休 介休 介休	平遙 平遙 平遙
孝義		介休	平遙

汾州府志

表

寧	州寧永	汾州府志	縣樓石	縣臨	
西中 都陽	省成離 後石 臯蘭並 狼興離		廢土 軍後	之蘭 地臯 狼	
離石地	劉興離 淵初石 陷永	表	離石地	烏突北	
地離石 北石鎮	山窟置象離昌北泉昌北離 三胡定中石化周二化齊置石 縣盧胡析大曰改縣良置鎮		一和年眞東京改十太九平嶺 年二置君太曰一和年眞西 改十太九平嶺吐年二置君太	中周烏 置大突 象北	烏突北
業寧鄉 初省大	縣名方年大入業盧脩窟皇脩定離 方山移業良脩中化胡改胡石 山改於三泉化併大曰開		石年皇吐 樓改十京 曰八開	太和烏皇太 曰突中改 臨泉	太和烏皇太 曰突中改 臨泉
平夷	里三年觀方胡復省門改觀定離 十五徙一貞縣置八年七曰二胡石 五		省觀縣析德河長石 入元置石德河並壽樓 焉年貞樓年武臨	泉改德太 臨曰三和武	泉改德太 臨曰三和武
平夷	方定離 山胡石		石樓	臨泉	臨泉
昌平夷 六年明	山於四山門改昌定離 積年貞祐方孟六年胡石 翠徙		石樓	臨臨臨 水泉水 曰改	臨臨臨 水泉水 曰改
寧鄉	入年至門復州省統離 離並元方三入二石中 石省三山孟年石年		石樓	臨年至曰改統臨 州改元臨臨二泉中 置三泉水年	臨年至曰改統臨 州改元臨臨二泉中 置三泉水年
寧鄉	寧改慶入離石 州曰元焉石州省 永年隆縣		石樓	縣改武臨 州二年洪 焉	縣改武臨 州二年洪 焉

縣 鄉

汾州府志

表

析置寧  
鄉中大  
象中又  
析置大  
夷縣平

入離石  
平夷

改置寧  
鄉縣

一  
二  
十  
二  
一

汾州府志卷之一

沿革

府境於禹貢屬冀州周職方氏蓋屬并州

禹貢冀州河行其西界乎雍冀之間南流爲西河至華陰屈東界冀與豫之間爲南河古黃河自大伾山西南折而北界冀兗之間爲東河爾雅釋地兩河間曰冀州舉西河東河言之者也周禮職方氏河內曰冀州正北曰并州馬鄭注虞夏書肇十有二州並云舜以冀州北廣大分置并州

春秋時晉地

汾州府志

卷一

沿革

一

古地名之見左氏春秋及國語禮記者曰隨曰鄔曰九原並晉地

隨今介休縣東境晉士會食邑前此魯隱公五年翼侯奔隨蓋奔於姜戎境後乃爲晉有又前此晉穆侯時千晦之戰卽國語宣王三十九年戰於千晦王師敗績於姜氏之戎是也杜元凱春秋經傳集解云西河界休縣南有地名千晦

鄔今介休縣東北境魯昭公二十八年晉魏獻子爲政分祁氏之田以爲七縣司馬彌牟爲鄔大夫

九原漢爲京陵縣地今平遙縣也晉卿大夫墓所在

無遺蹟可考。酈道元水經注云：侯甲水西北流逕祁縣故城南，又西逕京陵縣故城北。於春秋爲九原之地也。國語趙文子與叔向遊於九原曰：死者若可作也，吾誰與歸？叔向曰：共陽子乎？文子曰：夫陽子行廉直於晉國，不免其身，智不足稱。叔向曰：其舅犯乎？文子曰：夫舅犯見利而不顧其君，其仁不足稱。吾其隨會乎？納諫不忘其師，言身不失其友，事君不援而進，不阿而退，其京尚存。漢興增陵於其下，故曰京陵焉。今案絳州北二十里有九原山，和順縣西北五里，又有九原山。忻州西有九原岡，地志皆援國語禮記之

文考漢增陵事，因左氏春秋其處者爲劉氏而推本於士會。漢猶近古，以士會之葬在此，或未盡無稽。且與士會之食邑在隨地相比，近則趙文子與叔向所遊宜繫之。此矣。明一統志引城塚記云：京陵城周宣王北伐時築，此徒傳合小雅薄伐玁狁，至於太原而爲是說。水地記圖注曰：玁狁入寇，由焦穫鎬方而至涇陽。王師逐之，當由涇陽追至太原，仍軍於鎬。平定後乃歸。故下云：來歸自鎬。我行永久，涇陽漢爲安定郡。朝那涇陽之地，今平涼府平涼縣也。在周京西北六百餘里，而焦穫鎬方又在其外。太原又在焦穫之

外或以爲今固原州以地望考之不遠州在平涼府西北百七十里焦穫鎬方三地宜在此百餘里間孔冲遠以郭璞爾雅注池陽之瓠中當此詩焦穫是直逼周京矣非也自宋而後更以晉太原爲此詩所云太原者不察二地相距東西千有餘里顧炎武日知錄云國語宣王料民於太原以其地近邊而爲禦戎之備必不料之於晉國漢書賈捐之言秦地南不過閩越北不過太原若晉陽之太原則其外有鴈門雲中九原不得云不過也顧氏援國語及賈捐之言據證詳審周宣王北征之蹟無由在平遙縣甚明然春

汾州府志

卷一

沿革

三

秋昭公元年晉荀吳帥師敗狄于太鹵晉攘地始北至太原宣王時非晉境也晉國字蓋偶失檢

七國時屬趙

古地名之見於戰國策史記者曰臯狼曰藺曰離石皆趙邑

臯狼今永寧州西北及臨縣之境戰國策知伯使人之趙請蔡臯狼之地趙襄子弗與語轉字異亦曰郭狼武靈王召樓緩謀曰我先王取藺郭狼知伯所請蔡臯狼卽武靈王稱藺郭狼者藺字轉寫訛作蔡臯郭語之轉耳

藺今永寧州西及臨縣之南境離石卽永寧州境史記趙世家成侯三年當魏武侯之十五年魏敗我藺魏世家作敗趙北藺張守節云在石州趙之西北是也二十四年當秦孝公之十一年秦攻我藺肅侯二十二年當秦惠文君之十年秦取我藺離石武靈王十三年當秦惠文君改元之十三年秦拔我藺六國表作擊藺陽而戰國策秦攻趙藺離石祁拔鄭朱對秦王曰夫藺離石祁之地遠於趙而近於大國其事與秦伐趙攻闕與相連屬趙奢破秦軍闕與下在趙惠文王二十九年秦昭王三十七年蓋邊邑時失時

汾州府志

卷一

沿革

四

復靡常也

秦莊襄王三年初置太原郡

史紀秦本紀莊襄王二年使蒙驁攻趙定太原三年攻趙榆次新城狼孟取三十七城初置太原郡張守節云上黨以北皆太原地卽上三十七城也

漢初項羽徙魏王豹爲西魏王高帝三年定魏地置太原郡元朔四年更置西河郡皆屬并州刺史部今府境在太原郡之西南西河郡之東南而太原治晉陽西河治平定與府界相去各遠

漢書地理志并州太原郡領縣二十一在今府境者



茲氏京陵中都鄔界休茲氏今汾陽縣境京陵今平遙縣東境中都平遙縣西北境鄔今介休縣東北境界休卽今介休縣境晉書始改界爲介漢之平陶縣治在今文水縣非府境西河郡領縣三十六在府境者土軍隰城離石藺臯狼土軍今石樓縣境隰城今永寧州西南境離石藺臯狼今永寧州及臨縣境又漢之中陽西都宜在永寧州及寧鄉縣之間然無可證實矣

史記高帝本紀十一年立子恆以爲代王都晉陽而文帝本紀及諸侯年表陳豨列傳並云都中都文帝

汾州府志

卷一

沿革

五

三年幸太原復晉陽中都民三歲租如淳以爲遷都於中都其說是也又文帝二年立子武爲代王四年徙爲淮陽王而太原王參徙爲代王復併得太原都晉陽如故以是時代王本都中都太原王本都晉陽參雖徙封代不徙都也水經注云侯甲水西逕京陵縣故城北又西北逕中都縣故城南春秋昭公二年晉侯執陳無宇於中都者也今案杜元凱春秋經傳集解中都在西河界休縣東南此卽道元所本唐魏王泰括地志中都故城在汾州平遙縣西北十二里以水經注地望考之適合其爲漢舊縣無疑明一統

志中都城在介休縣東北五十里介休之東北卽平遙之西北也杜氏言界休東南或轉寫之訛榆次縣東十五里亦有中都城蓋北魏之中都縣地形志中都有榆次城壽陽城平譚城榆次壽陽今仍爲縣平譚在今平定州西北二十五里是北魏中都與漢中都遠隔地志諸書不辨皆謂文帝爲代王所都非也又皆實以執陳無宇事考陳無宇送女致少姜晉侯謂陳無宇非卿執諸中都蓋於在途執之不使終禮平遙榆次非當日齊晉往來所經水經注沁水東逕中都亭南左合界溝水水上承光溝東南流又南逕

中都亭西而南流注於沁水地在野王縣今爲河南懷慶府河內縣自齊適晉道出於彼然則執陳無宇在彼不在此後人踵元凱之謬遂不復精覈矣水經注離石水南流逕離石縣故城西又南出西轉逕隰成縣故城南其水西流注於河據此則漢之隰成縣遠在離石水之西而顧祖禹讀史方輿紀要云隰城故城府西七十里漢縣又引或云三國魏省隰城入茲氏皆非也後漢郡國志已無隰城當省入離石去茲氏則遠不得越離石而省入茲氏晉始改成爲城所言在府西七十里者今亦無可考

東觀記西河郡治平定縣唐李吉甫元和郡縣圖志漢武帝元朔四年置西河郡理富昌縣吉甫蓋因地理志首列富昌故云然後漢書始云凡縣名先書者郡所治也孟堅作志未有斯例閻百詩潛邱劄記曾論之如梁國先書碭而治睢陽汝南郡先書平輿而治上蔡是也百詩於西河郡亦從元和志則偶失檢耳後漢書光武帝紀建武十年省定襄郡徙其民於西河是時下距西河郡南徙凡百有三年而太子賢注云今石州離石縣誤也

及永和五年九月以匈奴寇掠於是西河郡南徙五百

汾州府志

卷一

沿革

七

九里治離石始在今府之西北境

永和五年上距元朔四年凡二百六十五年後漢書郡國志并州刺史部太原郡領十六城在府境者如故西河郡領十三城在府境者離石藺臯狼而無土軍隰成從併省也

後漢書順帝紀永和五年九月丁亥徙西河郡居離石東觀記西河郡治平定縣離石在郡南五百九里永和五年以匈奴寇掠徙郡離石

建安中省西河郡入太原魏黃初二年分太原之四縣置西河郡仍治離石

獻帝起居注建安十八年三月庚寅省州併郡復禹  
貢之九州晉書地理志并州建安十八年省入冀州  
魏黃初元年復置并州自陘嶺以北並棄之

黃初二 years 上距永和五年凡八十二年水地記圖注  
曰水經原公水出茲氏縣西羊頭山酈道元注云縣  
故秦置也魏黃初二年西河恭王司馬子盛廟碑文  
云西河舊處山林漢末擾攘百姓失所魏興更開疆  
宇分割太原四縣以爲邦邑其郡帶山側塞矣王以  
咸寧四年改命爵土其年十二月喪國臣太農閻崇  
離石令宗羣等二百三十四人刊石立碑以述勲德

汾州府志

卷一

沿革

八

碑北廟基尚存也今案晉書西河繆王斌字子政魏  
中郎武帝受禪封陳王三年改封西河咸寧四年薨  
子隱立謚字與水經注微異武帝紀泰始元年十二  
月丁卯封皇叔父斌爲陳王咸寧三年八月癸亥徙  
陳王斌爲西河王四年十二月乙未西河王斌薨而  
碑文稱咸寧四年改命爵土豈其就徙封之國在四  
年不復推本言之歟水經注以碑繫之魏黃初二年  
莫識其故元和志云魏黃初二年乃於漢茲氏置西  
河郡然則黃初二年實魏置西河郡之始廟碑必有  
記置郡所起者或碑文殘闕上存黃初二年字道元

未深察遂以碑繫於是年非也自黃初二年下至晉咸寧四年凡五十八年又二百七年爲北魏太和八年西河郡始治茲氏城吉甫因水經注西河王廟碑在茲氏又繫之魏黃初遂以爲是時卽置郡茲氏亦非也司馬斌葬茲氏故有廟碑在此其國仍都離石晉書地理志西河郡領縣四首離石蓋魏晉相承皆因漢永和三年以來郡治之舊碑文言其郡帶山側塞宜爲離石而非茲氏甚明况碑末稱離石令宗羣等以該餘三縣魏晉之西河郡未嘗移治茲氏非單文孤證矣

汾州府志

卷一

沿革

九

晉仍魏之舊

晉書地理志并州太原國領縣十三在今府境者京陵中都鄆西河國領離石隰城中陽介休四縣並今府境水經河水篇南過西河圍陽縣東又南過中陽縣西又南過土軍縣西酈道元云中陽故城在東東翼汾水隔越重山不瀆於河也道元所謂中陽故城當爲魏之中陽縣水經之中陽蓋漢縣之舊許叔重說文解字云馮水出西河中陽縣之西南入河然則漢中陽縣瀆河明矣史記趙世家武靈王十年秦取我西都及中陽秦本紀及六國表作取趙中都西陽

轉寫訛誤也。二地同時被兵，宜相去不遠，皆在離石之南。土軍之北於今寧鄉縣境近之，但無可證實耳。是時秦趙相攻，秦在河西，趙在河東。秦雖越河擊趙之藺，離石中陽西都然旋得旋失。趙守險以禦秦，全恃此。其距秦拔榆次、晉陽尚隔七十餘年，則趙之中陽卽漢中陽縣，爲瀆河邊邑。可知張守節引括地志云中都故縣在汾州平遙縣西卽西都也。西陽卽中陽也在汾州隰城縣南。此所言隰城縣南之中陽，正道元所稱東翼汾水不瀆於河者，不可以釋趙中陽。水經注文水逕茲氏縣故城東爲文湖，又東南逕中

陽縣故城東勝水東逕六壁城南，又東逕中陽故城南，又東合文水。元和郡縣圖志於孝義縣下云：魏移西河郡中陽於今理永嘉後省入隰城。吉甫詳中陽爲三國魏移置，是漢中陽與魏晉實兩地，其所本書道元殆偶失檢。歟張守節以平遙縣西之中都卽西都，尤謬。漢書地理志中都屬太原郡，中陽西都屬西河郡，不得溷而一之。

永興初匈奴左部帥劉淵據離石，稱漢寇太原中都。尋遷蒲子，置幽州刺史，鎮離石。其後地入石勒，而符健慕容儁符堅慕容垂迭有其地，勒改離石爲永石郡。

晉書惠帝紀永興元年八月匈奴左賢王劉元海反於離石自號大單于十一月劉元海僭號漢王永嘉元年三月并州諸郡爲劉元海所陷刺史劉琨獨係晉陽二年十月劉元海僭帝號於平陽載記永興元年元海遣其建武將軍劉曜寇太原苻氏屯留長子中都皆陷之地理志永興元年劉元海僭號於平陽稱漢於是并州之地皆爲元海所有元海乃以幽州刺史鎮離石今案劉淵始稱大單于在離石尋稱漢王在離石之左國城皆永興元年事其僭號於平陽乃永嘉二年事凡五年間名號三易志約畧其辭繫

之永興元年疎矣時并州刺史劉琨拒守晉陽永嘉六年淵寇晉陽琨係於陽曲後劉曜置并州於蒲坂而晉并州石勒始有其地志言并州皆爲元海所有亦謬

愍帝紀建興四年十一月石勒圍樂平司空劉琨遣兵援之爲勒所敗司空長史李宏以并州叛降於勒元帝紀太興二年十一月石勒僭卽王位國號趙載記太興二年勒僞稱趙王尋討鮮卑鬱粥於離石悉降其衆城地理志自惠懷之間離石縣荒廢勒於其處置永石郡今案勒徙并州置上黨魏書地形志云

并州漢晉治晉陽晉末治臺壁是也

自石勒之後符氏慕容氏彼此相繼干戈擾攘其互有并州諸郡也符健值晉永和中慕容儁值晉升平二年符堅值晉太和五年慕容垂值晉太元中迨北魏皇始元年值晉太元二十年慕容垂卒九月魏軍次陽曲并州牧慕容農棄城夜遁魏軍畧地晉川獲慕容買得等於平陶城由是并州入於北魏上距永興元年凡九十二年

北魏天興初置離石鎮延和三年置吐京鎮太平真君九年置吐京郡治漢之士軍故城太和八年置西河郡汾州府志

治茲氏城是爲西河郡治在茲氏之始西河吐京二郡並屬吐京鎮十二年改鎮爲汾州汾州之名自是始矣而汾州治蒲子城非今府境

卷一

沿革

十二

太和八年上距漢永和五年凡三百四十五年魏書地形志并州太原郡領縣十在府境者平遙鄆汾州統郡四在府境者西河郡領隰城介休永安三縣永安析隰城置吐京郡領新城吐京二縣吐京卽土軍語轉字異也

孝昌中汾州移治西河是爲汾州治在西河之始而西河郡則僑置平陽界不復在此永安中置顯州治六壁



城兼置定戎郡治瓜城置建平郡州治也其西河郡在平陽界者亦廢所領之隰城介休又僑置汲郡界中東魏天平中置真君郡治東多城亦屬於顯州興和中置寧州治介休城武定四年置武昌郡治團城置武康郡治東多城而武昌屬顯州武康屬寧州外此僑置之州郡尤名實交錯齊天保七年詔文有云百室之邑便立州名三戶之民虛張郡目循名督實事歸烏有正謂此也

魏書地形志晉州有西河郡領永安隰城介休三縣於郡下云舊汾州西河民孝昌二年爲賊所破遂居

汾州府志

卷一

沿革

十三

平陽界還置郡隋書地理志臨汾有後魏永安縣開皇初改爲西河大業初省其故縣在今洪洞縣西南三十里卽孝昌二年西河郡所僑置也及永安中隰城介休又僑置於汲郡界而舊汾州不復有西河郡及所領之三縣矣地形志言還置郡非也還字或僑字之訛

孝昌中汾州移治其所屬吐京五城定陽三郡並寄治西河五城郡治五城縣本在今吉州北定陽郡治定陽縣卽今吉州治又是時改薄骨律鎮置靈州後陷天平中復置寄治隰城縣界置南朔州於介休城

不統郡縣前此永安中改懷荒禦夷二鎮置蔚州亦寄治鄔縣界魏書地形志顯州統定戎建平眞君武昌四郡靈州郡縣闕寧州統武康靈武初平武定四郡蔚州統始昌忠義附恩三郡元和志云介休縣後魏明帝時爲賊所破至孝靜帝更修築遷朔州軍人鎮之因立爲南朔州但領軍人不領郡縣其介休縣仍屬汾州今案永安中隰城介休僑置隸五城郡屬司州天平中屬北豫州武定五年屬義州義州本興和二年所置治汲郡陳城在今河南衛輝府汲縣界然則元和志云介休縣仍屬汾州者是時汾州無介

汾州府志

卷一

沿革

十四

休縣舊介休縣之地乃寧州及寄治之蔚州也吉甫偶疎於考

東魏別置南汾州統北吐京西五城南吐京西定陽定陽北鄉五城中陽龍門九郡隋書地理志文城郡東魏置南汾州後周改爲汾州後齊爲西汾州後周平齊置總管府開皇四年府廢十六年改爲耿州後復爲汾州其地在今吉州非府境

梁所置南朔州治齊坂城者爲北魏所取見地形志與此遷朔州軍人鎮介休縣因名南朔州兩不相蒙北齊於離石置懷政郡又置西汾州是時西河郡蓋復

其故北周建德五年取齊汾并諸州周置介休郡又置介州省齊之汾州入焉而改西汾州爲石州懷政郡爲離石郡大象中於離石置定胡窟胡烏突三郡

自魏分爲二齊承東魏周承西魏而周卒平齊其詳無地志可考隋書地理志西河郡下云後魏置汾州後齊置南朔州後周改曰介州介休縣下云後魏置定陽郡後周改郡曰介休離石郡下云後齊置西汾州後周改爲石州離石縣下云後齊置懷政郡後周改曰離石郡修化縣下云後周置窟胡郡定胡縣下云後周置定胡郡太和縣下云後周置烏突郡元和

汾州府志

卷一

沿革

十五

志介休縣下云周武帝省南朔州今案隋書以南朔州爲齊置又與介州並於西河郡下言之元和志以南朔州繫之魏孝靜其置南朔州也在介休縣但領軍人視隋志爲覈其汾州下溷稱高齊又於此城置南朔州謬同隋志

隋志以魏置定陽郡繫之介休今案魏末之介休孝昌中僑置平陽界永安中僑置汲郡界此地不復有介休縣而魏之定陽郡領平昌西五城二縣乃興和四年置屬晉州卽隋志臨汾下所言有東魏西河敷城伍城北伍城定陽等五郡後周廢爲西河定陽二

郡者其地在今臨汾縣非介休於臨汾介休兩言之  
自相矛盾矣

西魏別置汾州在今陝西延安府宜川縣北周之汾  
州在今吉州而廢孝昌中移治西河之汾州其郡縣  
屬介州汾州介州之於南朔州有領郡縣不領郡縣  
之殊不得云改南朔州爲介州隋志之言亦疎

隋開皇初郡廢州如故大業初復置西河離石二郡今  
府境兼有龍泉郡之石樓縣其郡治非府境義寧元年  
分西河置介休郡

隨書地理志西河郡領縣六其四在今府境隰城介

汾州府志

卷一

沿革

十六

休永安平遙龍泉郡領縣五在府境者石樓一縣石  
樓卽吐京離石郡領離石修化定胡平夷太和五縣  
並今府境修化卽窟胡太和卽烏突其隋開皇十六  
年所置汾州十八年改爲呂州者在今霍州非府境  
元和志介休縣下云義寧元年於縣置介休郡舊唐  
書繫之唐義旗初隋恭帝義寧卽唐義旗初也

唐武德元年以介休郡爲介州西河郡爲浩州離石郡  
爲石州而龍泉郡改爲隰州州治非今府境二年於石  
樓縣置西德州方山縣置方州三年廢方州改浩州爲  
汾州於定胡縣置西定州太和縣置北和州新城縣東

南四十五里置北隰州貞觀元年省介州西德州北隰州二年省西定州三年省北和州天寶元年改汾州爲西河郡石州爲昌化郡乾元元年復爲汾州石州汾石隰三州並屬河東道

舊唐書地理志汾州隋西河郡義旗初領隰城介休孝義平遙四縣其年割介休平遙二縣屬介休郡武德元年以介休郡爲介州西河郡爲浩州三年改浩州爲汾州仍割并州之文水縣來屬貞觀元年省介州以介休平遙來屬文水還并州十七年以廢呂州之靈石來屬天寶元年改爲西河郡乾元元年復爲

汾州府志

卷一

沿革

十七

汾州舊領縣四天寶領縣五隰州石樓武德二年於縣置西德州領長壽臨河石樓三縣貞觀元年廢西德州省長壽臨河二縣以石樓屬東和州二年又省東和州以石樓來屬石州隋離石郡武德元年改爲石州五年置總管府貞觀二年廢三年復置都督六年又廢天寶元年改爲昌化郡乾元元年復爲石州定胡武德三年置西定州貞觀三年廢方山武德二年置方州三年州廢唐書地理志河東道汾州領縣五在今府境者西河孝義介休平遙四縣西河卽隰城孝義卽永安石州領離石平夷定胡臨泉方山五

縣並今府境臨泉卽太和隰州領縣六在府境者石樓溫泉二縣溫泉武德三年分新城置

五代時後唐晉漢東漢迭有其地周顯德初汾州防禦使來附因置寧化軍兼統石沁二州旋入東漢

五代史周本紀顯德元年四月乙卯汾州防禦使董希顏叛於漢來附壬戌取石沁州今府境於五代時蓋承唐舊制爲汾州石州及隰州之石樓縣

宋初革五季諸鎮節度之患命朝臣出守列郡號權知軍州事其後文武官參爲知州軍事二品以上及帶中書樞密院宣徽使職事稱判其州軍而汾州兼西河郡

汾州府志

卷一

沿革

十八

軍事後又改汾陽軍事史不詳起自何年石州兼昌化郡軍事又帶嵐石隰三州都巡檢使元符二年以石州之臨泉縣隸晉寧軍大觀二年復以定胡縣隸焉而晉寧軍本葭蘆川寨改置在今陝西榆林府葭州非府境汾石隰三州及晉寧軍並屬河東路

宋史地理志河東路汾州西河郡軍事領縣五其四在今府境西河平遙介休孝義石州昌化郡軍事領離石平夷方山三縣並今府境隰州太寧郡團鍊領縣六在府境者石樓一縣晉寧軍領縣二定胡臨泉二縣並今府境靖康後地入於金

金天會六年當宋建炎之二年置汾陽軍節度使後又置河東南北路提刑司汾石二州屬河東北路隰州屬河東南路

金史地理志河東北路汾州領縣五其四在今府境西河孝義介休平遙石州領縣六在府境者離石方山孟門臨泉寧鄉五縣孟門卽定胡寧鄉卽平夷河東南路隰州領縣六在府境者石離一縣定興後地入於元案汾陽軍之名宋宣和以前已有之元史地理志謂汾陽軍起於金非也

元初立汾州元帥府至元三年以臨泉爲臨州汾石臨

汾州府志

卷一

沿革

十九

三州屬冀寧路隰州屬晉寧路並河東山西道肅政廉訪司所轄

元史地理志冀寧路汾州領西河孝義平遙介休四縣石州領離石寧鄉二縣臨州不領縣並今府境晉寧路隰州領縣五在府境者石樓一縣

明洪武二年臨州改爲縣隆慶元年改石州曰永寧萬曆二十三年五月改汾州爲府屬山西承宣布政使司又設冀南道駐此

明史地理志汾州洪武九年直隸布政司萬曆二十三年五月升爲府臨州洪武二年降爲縣萬曆二十

三年五月來屬永寧元石州隆慶元年更名領縣一  
寧鄉萬歷二十三年五月來屬沁州洪武九年直隸  
布政司領縣二沁源武鄉萬歷二十三年五月改屬  
三十二年仍直隸布政司石樓元屬隰州萬歷四十  
年改屬靈石元屬霍州萬歷二十三年五月改屬四  
十三年屬平陽府

國朝以寧鄉縣隸於府而永寧州不領縣

府所領一州七縣東四屬夾翼汾川爲漢之太原郡  
境西四屬瀕界黃河爲漢之西河郡境

汾陽縣本漢茲氏縣晉徙漢之隰成縣置於此更成爲

汾州府志

卷一

沿革

二十

城省茲氏入焉北魏太延中改爲什星軍太和八年復  
爲隰城縣又置西河郡治茲氏城孝昌二年僑置平陽  
界而汾州移治西河永安中又僑置汲郡界北齊天保  
七年併省魏末浮置之州郡縣鎮戍是時西河郡縣宜  
復其舊而史文闕失隋初隰城縣爲西河郡治屬介州  
蓋北周以來相承如故也唐上元元年九月改縣曰西  
河明初省縣入汾州萬歷二十三年五月改州爲府倚  
郭置汾陽縣以後仍而不改

漢書地理志太原郡茲氏晉書地理志西河國隰城  
魏書地形志西河郡隰城太延中改爲什星軍太和



八年復元和郡縣圖志汾州西河縣本漢茲氏縣也  
晉改茲氏爲隰城縣上元元年改爲西河縣舊唐書  
地理志上元元年九月改爲西河縣明史地理志汾  
州府汾陽元曰西河洪武初省入州萬歷二十三年  
五月復置更名

自唐上元元年以後至明初凡五百餘年此地名西  
河縣縣之名本因於郡西河郡之設其初在河西故  
劉熙釋名云西河在河水西也凡二百六十五年而  
南徙五百九里治離石凡六百有九年而徙治茲氏  
治雖再遷郡名不改凡八百八十五年而縣名亦因

之起地志援子夏居西河及吳起爲西河守以實之  
考秦本紀惠文君六年魏納陰晉陰晉今華陰縣也  
八年魏納河西地六國表作與秦河西地少梁十年  
魏納上郡十五縣魏世家作盡入上郡於秦前此秦  
魏之界張守節云魏築長城界秦自華州鄭縣以北  
濱洛至慶州洛源縣白於山卽東北至勝州緱陽縣  
東至河西是也今陝西華陰縣西二里蒲城縣東五  
十里鄜州西南四里綏德州西十五里皆有魏長城  
遺蹟然則魏未失陰晉少梁以前其疆土在河西者  
南至華陰西至洛水北至今榆林府之北而趙西北

邊邑藺離石與魏鄰不與秦鄰故趙成侯三年當秦獻公十三年魏武侯十五年趙世家云魏敗趙藺及秦孝公八年與魏戰取少梁越五年爲秦孝公十一年趙成侯二十四年趙世家始云秦攻我藺其後趙武靈王十九年召樓緩謀曰西有林胡樓煩秦韓之邊是時魏之西河上郡及曲沃平周俱失於秦趙西境直與秦接不復鄰魏矣方文侯武侯之時魏都安邑據有河西地而吳起爲西河守以拒秦韓秦兵不敢東鄉韓趙賔從史記武侯浮西河而下中流顧而謂吳起曰美哉乎山河之固此魏國之寶也蓋古所

稱西河未嘗以名郡縣西河守亦非如後世之郡守特舉龍門西河該河之左右諸城水經注以浮河事繫之夏陽子夏陵及廟室繫之郃陽並於安邑不遠秦孝公八年以前西河濱洛之地悉魏境後人不察唐上元初所名之西河縣始終爲趙地而謬摭魏事由其迷於當時秦趙魏之疆域界畫是以輾轉滋惑至如左氏春秋昭公十三年叔魚見季孫曰鮒也聞諸吏將爲子除館於西河杜元凱經傳集解云西使近河史記趙惠文王二年主父行新地遂出代西遇樓煩王於西河而致其兵當在今寧武府偏關之外

二十年趙惠文王與秦昭王遇西河外在今河南澠池縣西漢高帝二年韓信擊魏伏兵從夏陽以木罌甌渡軍襲安邑而廣武君曰今將軍涉西河虜魏王張守節云卽同州龍門河從夏陽渡者孔叢猗頓適西河大畜牛羊於猗氏之南猗氏故城在今蒲州府猗氏縣南十里靈帝中平五年黃巾餘黨郭大等起於西河白波谷在今太平縣東南三十五里白波谷不屬西河郡而曰西河白波谷者徒以近龍門西河耳由是言之春秋戰國以迄秦漢西河之名徃徃不專目一地如是然絕無與於唐上元以後之西河縣

汾州府志

卷一

沿革

二十三

縣境去河遠因西河郡治得稱非有取義

汾陽之爲縣名漢及隋唐皆非此地漢書地理志太原郡汾陽北山汾水所出水經汾水出太原汾陽縣北管涔山山在今寧武縣西六十里值靜樂縣北百四十里隋書煬帝紀大業四年以離石之汾源臨泉鴈門之秀容爲樓煩郡起汾陽宮地理志樓煩郡靜樂有汾陽宮有管涔山天池汾水元和郡縣圖志靜樂縣隋汾陽故宮在縣北百五十里天池在縣北燕京山上周迴八里唐書地理志嵐州靜樂武德四年析置汾陽縣六年省有天池祠有管涔山有隋故汾

陽宮天池在今寧武縣西南四十里汾陽宮在今寧武縣西南六十里又隋志太原郡所領縣有汾陽舊曰陽曲開皇六年改爲陽直十六年又改名焉舊唐書地理志陽曲隋陽直縣武德三年分置汾陽縣七年省陽直改汾陽爲陽曲考今靜樂縣及寧武縣之寧化堡陽曲縣之西北境皆漢汾陽縣地故隋唐所析置者猶本其舊稱遠在今汾陽縣之北晉書地理志司州河東郡有汾陽縣又遠在今汾陽縣之南今縣名卽起於明萬歷二十三年蓋本宋汾陽軍之稱以之名縣耳外此如國語夷吾私於公子繫曰中大

夫里克與我矣吾命之以汾陽之田百萬史記晉世家夷吾遺里克書曰誠得立請遂封子於汾陽之邑賈侍中云汾水名汾陽晉地而不言所在其地要不出今平陽府境內汾水之澍今太平縣南有地名汾陽爲縣境七鋪之一曰汾陽鋪又有汾陽山雖不必舉以實汾陽之田然可知地近晉都有名汾陽者矣顧炎武云霍山以北皆狄地自悼公後始開縣邑前此不見於傳考國語宰孔言景霍以爲城可證顧氏之言爲覈其北如今交城縣卽春秋時大戎小戎之地翼侯避曲沃之亂而奔隨似奔於姜戎境又唐叔

始封在今翼城縣之故唐城城北曰古堆坡有唐叔虞墓晉水卽晉峽之欒池水後人以太原有晉水遂謂唐叔始封於彼遠在翼之北且七百里不然矣魯襄公十六年當晉惠公敗于韓之明年狄侵晉取狐廚受鐸涉汾及昆都杜注云平陽臨汾縣西北有狐谷亭孔冲遠謂狐廚受鐸皆在汾北狄自北而侵南涉汾水昆都在汾南今臨汾縣南有昆都聚狐廚受鐸皆在今襄陵縣卽北與狄鄰當惠公時晉之北境去今汾陽縣尙遠及魯昭公元年晉荀吳帥師敗狄於大鹵始擴境北至太原地志或援史記汾陽之邑

汾州府志

卷一

沿革

二十五

傅合尤謬

平遙縣漢爲京陵中都二縣及鄔縣地北魏徙漢平陶於此以廟諱改爲平遙而中都徙置於榆次隋開皇十六年析置清世縣大業初省入焉以後仍之

漢書地理志太原郡中都京陵魏書地形志太原郡平遙二漢晉爲平陶後改有京陵城平遙城隋書地理志西河郡平遙開皇十六年析置清世縣大業初廢入焉元和郡縣圖志汾州平遙縣本漢平陶縣地魏改平陶爲平遙京陵故城在縣東七里中都故城在縣西十二里舊唐書地理志後魏廟諱改陶爲遙

今案漢平陶故城在今文水縣西南二十五里魏雖徙置而西北境猶漢平陶縣故地地形志所云有平遙城卽漢平陶城也元和志文水縣平陶城在縣西南二十五里與今不殊則隋唐已割魏平遙縣之西北境入文水縣矣吉甫但云本漢平陶縣地疎也

介休縣本漢舊縣曰界休亦兼有鄔及中都二縣地晉改界爲介永興後並廢北魏太和八年復置介休縣於漢縣之東南十九年復置鄔縣亦與漢縣異地孝昌二年介休縣僑置平陽界永安中又僑置汲郡界北齊省西河郡之介休入永安北周復於漢故城置介休縣大

汾州府志

卷一

沿革

二十六

象中改曰平昌隋開皇十六年復改曰介休以後仍之漢書地理志太原郡界休鄔晉書地理志太原國鄔西河國介休魏書地形志太原郡鄔晉後罷太和十九年復有中都有鄔城西河郡介休晉亂罷太和八年復有鄔城介休城隋書地理志西河郡介休後魏置平昌縣後周以介休縣入焉開皇十八年改曰介休元和郡縣圖志汾州介休縣本秦漢之舊邑在介山西因名之高齊省介休入永安縣周武帝復置介休縣宣帝改介休爲平昌縣開皇末又改平昌爲介休縣今案隋志以魏之定陽郡平昌繫之介休方輿

紀要於介休縣云東魏興和二年析置平昌縣兼置定陽郡考興和二年所置之平昌隸北五城郡不隸定陽其隸定陽者乃興和四年置非二年又北五城定陽皆屬晉州乃興和中前後僑置之郡縣不在介休境元和志以周宣帝時介休改名平昌隋開皇末始復舊名似得其實紀要本隋志之謬又加舛耳孝義縣本漢茲氏縣地魏移西河郡中陽於此永嘉後省入隰城北魏太和十七年分隰城置永安縣孝昌二年僑置平陽界北齊天保中復舊唐武德二年置新城高唐二縣三年分新城縣地置溫泉縣貞觀元年省新

汾州府志

卷一

沿革

二十七

城高唐入溫泉改永安縣曰孝義宋太平興國元年又改曰中陽後復爲孝義熙寧五年省入介休元祐元年復置元至元三年割溫泉縣之半入焉以後仍之晉書地理志西河國中陽魏書地形志西河郡永安太和十七年分隰城置唐書地理志武德二年置新城高唐二縣貞觀元年省新城高唐元和郡縣圖志孝義縣本漢茲氏縣地魏移西河郡中陽縣於今理永嘉後省入隰城後魏又分隰城於今靈石縣東三十里置永安縣貞觀元年以縣名與涪州縣名同改爲孝義後魏於土軍故縣東七十里置嶺東縣孝文

改爲新城縣武德三年於縣東南四十里置溫泉縣因縣南溫泉爲名貞觀元年省新城縣宋史地理志汾州孝義太平興國元年改爲中陽後復爲孝義熙寧五年省爲鎮入介休元祐元年復元史地理志汾州孝義至元三年割溫泉縣之半置巡檢司隸本縣案地形志建義元年置永安郡治永安城領永安楊二縣東魏置永安戍北周建德六年宇文憲自雀鼠谷攻拔洪洞永安二城所謂永安城卽今霍州治與西河之永安同名而異地

臨縣本藺臯狼之地晉省入離石北周大象中於此置

汾州府志

卷一

沿革

二十八

烏突縣隋開皇中改曰太和唐武德三年置臨泉縣尋省太和縣入焉金改臨泉爲臨水元中統二年仍改曰臨泉三年改臨泉縣爲臨州至元五年己卯州治南徙四十里明洪武二年改州爲縣以後仍之

漢書地理志西河郡臯狼藺隋書地理志離石郡太和後周置曰烏突及置烏突郡開皇初郡廢縣尋改焉元和郡縣圖志石州臨泉縣周大象元年於此置烏突縣開皇元年改烏突縣爲太和縣武德三年改太和爲臨泉唐書地理志石州臨泉本太和武德三年更名別析置太和縣元史地理志冀寧路臨州金



置臨水縣元中統二年仍改臨泉縣三年升臨州明史地理志汾州府臨元臨州洪武二年降爲縣今案漢西河郡有臨水縣或以爲卽臨縣然水經注與唐宋地志絕不涉及無可證實闕之可也臨泉縣唐書以爲別析置太和考太和本隋舊縣武德三年蓋析太和置臨泉非太和於此時始析置也尋卽併省是以元和志但云改太和爲臨泉歟元史謂臨泉金爲臨水金史志仍作臨泉未改亦作史者失之

石樓縣本漢土軍縣地北魏設石樓堡太平眞君九年於土軍故城置吐京郡領縣二曰嶺東曰嶺西太和二十一年改嶺東爲新城縣嶺西爲吐京縣孝昌中陷寄治西河北齊復故隋開皇初郡廢爲吐京縣十八年改曰石樓唐武德元年析置長壽臨河二縣貞觀元年省長壽臨河入石樓以後仍之

漢書地理志西河郡土軍魏書地形志吐京郡眞君九年置孝昌中陷寄治西河領縣二新城世祖名嶺東太和二十一年改吐京世祖名嶺西太和二十一年改隋書地理志龍泉郡石樓舊置吐京郡及吐京縣開皇初郡廢十八年縣改名元和郡縣圖志隰州石樓縣本漢土軍縣也晉省後魏於此城置吐京郡

開皇十八年改吐京爲石樓縣因縣東石樓山爲名也唐書地理志隰州石樓武德二年以縣置長壽臨河二縣貞觀元年省長壽臨河

永寧州本漢離石縣及藺臯狼隰成之地後漢省隰成晉省藺臯狼北齊置昌化良泉二縣北周改昌化縣爲離石縣大象中析置定胡窟胡盧山三縣隋開皇中改窟胡曰脩化大業三年移良泉縣於方山改名方山縣其盧山縣大業初併入脩化而脩化縣省併不見史志唐貞觀二年改定胡縣曰孟門七年省八年復置定胡縣十一年方山縣北徙三十五里金明昌六年改定胡汾州府志

卷一

沿革

三十

縣曰孟門貞祐四年徙方山縣於積翠山元中統二年省離石縣入石州三年復置至元三年省孟門方山二縣入離石明初省離石縣入石州隆慶元年改州曰永寧以後仍之

漢書地理志西河郡離石隰成隋書地理志離石郡脩化後周置曰窟胡及置窟胡郡開皇初郡廢後縣改爲脩化又後周置盧山縣大業初併入焉元和郡縣圖志石州離石縣東北有離石水因取水名也漢末廢黃初復置陷劉元海高齊於此置昌化縣後周復爲離石定胡縣周宣帝大象元年於此置定胡縣

貞觀二年改置孟門縣七年廢縣爲孟門鎮八年廢鎮復爲定胡縣方山縣高齊於離石縣北六十八里置良泉縣大業三年移就今縣南三十五里方山置故名方山貞觀十一年移於今理舊唐書地理志定胡貞觀二年析置孟門縣七年省金史地理志石州方山貞祐四年徙治於積翠山孟門舊定胡明昌六年更元史地理志石州中統二年省離石縣入本州三年復立舊置司候司後與孟門方山俱省入離石明史地理志汾州府永寧州元石州洪武初以州治離石縣省入隆慶元年更名永寧州志隆慶元年蒙

汾州府志

卷一

沿革

三十一

古陷城之後署州事太原府同知李春芳以石失二字叶聲不吉請更名爲永寧今案定胡縣元和志謂貞觀二年改置孟門舊唐書以爲析置非也

寧鄉縣本離石縣地北周析離石置寧鄉縣大象中又析置平夷縣隋大業初省寧鄉金明昌六年改平夷縣曰寧鄉以後仍之

隋書地理志離石郡離石後周置寧鄉縣大業初併寧鄉入焉平夷後周置元和郡縣圖志石州平夷本漢離石縣地周宣帝割縣西五十一里置平夷縣金史地理志石州寧鄉舊名平夷明昌六年更今案水

經次中陽於土軍之北寧鄉縣宜爲漢西河郡之中陽魏徙中陽置茲氏南其地始併入離石然自來地志失之無可證實又漢西河郡隰成西都與中陽地皆相比後人但知有離石耳寧鄉之名始於北周其故城在今寧鄉縣東金明昌六年改平夷曰寧鄉實北周之舊名然則大業初省寧鄉其地蓋分入離石平夷二縣隋志但云併入離石畧也唐書地理志平夷縣下云有孝文山考孝文山在離石縣北平夷在離石縣南唐書似有舛誤